



CYPE(5)-01-21 - Papur i'w nodi 9

Drwy e-bost

At Lynne Neagle AS,
Cadeirydd Y Pwyllgor Plant, Pobl Ifanc ac Addysg

22 Rhagfyr 2020

Annwyl Lynne,

Parthed: Adroddiad Blynyddol Cymwysterau Cymru 2019-20

Yn dilyn eich llythyr diweddar yn gofyn am wybodaeth am y camau gweithredu o'n hadroddiad blynyddol 2019-20, dyma ein hymateb.

Mae ein dull rheoleiddio'n eangfrydig, felly rydym yn ymgysylltu, yn cyfathrebu ac yn cydweithio i gryfhau ein gallu i hybu hyder y cyhoedd yn system gymwysterau Cymru ac i ddiwallu anghenion dysgwyr yng Nghymru.

1. Dealltwriaeth y cyhoedd a chyfathrebu

- 1.1 Drwy gydol 2021 byddwn yn parhau i ddarparu gweithgarwch cyfathrebu ac ymgysylltiol amserol â rhanddeiliaid. Fel y dywedasom yn y pwyllgor, fel rhan o'n rôl fel rheoleiddiwr annibynnol mae angen i ni sicrhau bod dealltwriaeth gyhoeddus glir o'r system gymwysterau. Rydym yn parhau i weithio'n agos gydag ysgolion, colegau a rhanddeiliaid eraill ac yn darparu sesiynau briffio a gwybodaeth rheolaidd i gefnogi athrawon, swyddogion arholiadau a dysgwyr. Byddwn hefyd yn parhau i weithio'n agos gyda swyddogion Cyfathrebu a Pholisi Llywodraeth Cymru a CBAC yn ein priod rolau fel bod dull cydgysylltiedig o gyfathrebu ag athrawon, dysgwyr a rhieni ynglŷn â chyfres arholiadau 2021. Byddwn yn cynnwys ein cynnydd o ran y rhan bwysig hon o'n gwaith yn ein hadroddiad blynyddol ar gyfer 2020-21.
- 1.2 Rydym yn gweithredu ar y cyd ac yn defnyddio gwybodaeth ac arbenigedd rhanddeiliaid fel y bo'n briodol. Mae gennym amrywiaeth o rhanddeiliaid allweddol. Mae ymgysylltu â nhw yn hanfodol i lywio ein penderfyniadau. Mae gennym nifer o grwpiau rhanddeiliaid sefydledig sy'n rhoi cipolwg a chynghor i Cymwysterau Cymru ar amrywiaeth o faterion. Mae'r grwpiau hyn yn cynnwys ein Grŵp Cyfeirio Penaethiaid Ysgolion, Y Grŵp Undebau Athrawon a Sefydliadau Cynrychioliadol a grŵp Rhanddeiliaid 2021 a sefydlwyd yn fwy diweddar. Rydym hefyd yn ymgysylltu'n barhaus ag Estyn, CCAC, CLILC a'r consortia addysg.
- 1.3 Rydym wedi dysgu llawer o'n profiad yn ystod haf 2020. Cafwyd 2,079 o ymatebion gan ddysgwyr yn unig i'n hymgyngoriad â'r cyhoedd. Ond rydyn ni'n gwybod bod angen i ni wneud rhagor. Yn ystod chwarter cyntaf 2021, gan weithio gyda'r

Cymwysterau Cymru

Adeilad Q2, Lôn Pencarn
Parc Imperial,
Casnewydd
NP10 8AR
☎ 01633 373 222



www.cymwysteraucymru.org



Comisiynydd Plant, byddwn yn sefydlu Grŵp Cyngori Dysgwyr o 14 o bobl ifanc a fydd yn ein helpu i wrando a dysgu am yr hyn sy'n bwysig iddyn nhw. Bydd yr Aelodau i gyd mewn addysg ac yn astudio ystod o gymwysterau cyffredinol a galwedigaethol ac yn dod o amrywiaeth o leoliadau addysg gan gynnwys addysg bellach, ysgolion, ymgeiswyr allanol, dysgwyr cyfrwng Cymraeg a dysgwyr ag ADY. Bydd aelodau'n cael eu recriwtio o bob rhan o Gymru.

- 1.4 Byddwn yn parhau i gyhoeddi tystiolaeth ystadegol, adroddiadau ymchwil a chynnal ein harolwg rhanddeiliaid blynyddol sy'n ein galluogi i ddeall barn pobl am gymwysterau. Mae'r arolwg blynyddol hwn yn ein galluogi i fesur unrhyw amrywiadau yn agweddau'r cyhoedd ac yn darparu gwybodaeth i gefnogi ein gwaith.
- 1.5 Rhwng 19 Ionawr a 31 Mawrth 2021, byddwn yn ymgynghori ynghylch pa brif gymwysterau ddylai fod ar gael fel rhan o'r cwricwlwm newydd. Byddwn yn gweithredu ar y cyd ac yn defnyddio gwybodaeth ac arbenigedd rhanddeiliaid fel y bo'n briodol. Rydym wedi trefnu cyfres o weminarau wedi'u hanelu at ymarferwyr ac ysgolion ac rydym yn gweithio mewn partneriaeth ag Youth Cymru a fydd yn cynnal grwpiau ffocws gyda'u rhwydwaith sefydledig o blant a phobl ifanc. Wrth gydnabod llais pwysig rhieni a gofalmwyr rydym hefyd yn gweithio gyda Parentkind a fydd yn cynnal grwpiau ffocws gyda'u haelodau ar y cynigion ymgynghori ar gyfer pob Maes Dysgu a Phrofiad.

2. Dyfarnu yn Haf 2021

- 2.1 Byddwn yn cynhyrchu cyfathrebiadau clir, llawn gwybodaeth, amserol ac wedi'u targedu ac yn adolygu effaith ein cyfathrebu'n rheolaidd ac yn ceisio dod o hyd i ffyrdd o wella ein dull gweithredu. Wrth gydnabod pwysigrwydd barn y cyhoedd, rydym wedi ymrwymo i roi'r wybodaeth ddiweddaraf i'r cyhoedd am weithgarwch a chynlluniau Cymwysterau Cymru.
- 2.2 Rydym yn bwriadu defnyddio dull wedi'i dargedu i ymgysylltu â dysgwyr ar gyfryngau cymdeithasol. Byddwn hefyd yn lansio ymarfer tri mis drwy Instagram wedi'i dargedu at ddysgwyr. Byddwn yn parhau i ymgysylltu'n ehangach drwy'r cyfryngau cymdeithasol i helpu i egluro'r hyn sy'n digwydd gydag asesiadau yn 2021.

3. Cymwysterau Galwedigaethol

- 3.1 Rydym wedi sefydlu grŵp rhanddeiliaid Cymwysterau Galwedigaethol i drafod y materion sy'n wynebu'r sectorau dysgu seiliedig ar waith ac addysg bellach wrth gyflwyno cymwysterau yn 2021. Mae'r grŵp eisoes yn chwarae rhan allweddol wrth gasglu a rhannu adborth gan y sector ehangach, lledaenu gwybodaeth a llywio ein penderfyniadau. Mae'r grŵp yn cynnwys cynrychiolwyr o Lywodraeth Cymru, Colegau Cymru a Ffederasiwn Hyfforddiant Cenedlaethol Cymru. Rydym hefyd yn ymgysylltu â'r sector drwy fynychu grwpiau fel rhwydwaith lechyd a Gofal Cymdeithasol a Gofal Plant Colegau Cymru a'u Grŵp Cwricwlwm ac Ansawdd yn ôl y gofyn.

- 3.2 Mae'r trafodaethau hyn gyda rhanddeiliaid wedi ein cefnogi ni a'r cyrff dyfarnu i wneud addasiadau pellach i gymwysterau a gyhoeddwyd cyn gwyliau'r Nadolig. Mae'r addasiadau hyn yn lleihau'r baich asesu ar ddysgwyr a chanolfannau yn sylweddol dros y flwyddyn i ddod.
- 3.3 Gwnaethom ymestyn yr addasiadau ar gyfer cymwysterau Cymhwysio Rhif a Chyfathrebu Sgiliau Hanfodol Cymru, Lefelau 1-3, a oedd i fod i ddod i ben ym mis Rhagfyr, tan 31 Awst 2021.
Disgwyliwn i'r estyniad i gynorthwyo llawer o ddysgwyr i gwblhau eu fframweithiau prentisiaeth yn llwyddiannus dros y misoedd nesaf a lliniaru rhywfaint o'r pwysau ar ddysgwyr a chanolfannau.
- 3.4 Rydym hefyd wedi ymestyn yr addasiadau ar gyfer cymwysterau Iechyd a Gofal Cymdeithasol: Craidd a Gofal, Chwarae, Dysgu a Datblygiad Plant: Craidd o fis Rhagfyr tan 31 Awst 2021. Buom yn gweithio gyda Gofal Cymdeithasol Cymru i gytuno ar yr addasiadau hyn i sicrhau eu bod yn cefnogi'n llawn yr addasiadau i'r cymwysterau hyn sy'n chwarae rhan bwysig o ran bodloni gofynion y gweithlu.
- 3.5 Mae'r Fframwaith Rheoleiddiol Eithriadol Estynedig ar gyfer Cymwysterau Galwedigaethol yn rhoi cryn dipyn o hyblygrwydd i gyrff dyfarnu addasu eu cymwysterau i liniaru effaith y pandemig ar ddysgwyr. Rydym yn annog cyrff dyfarnu i ddefnyddio'r hyblygrwydd llawn sydd ar gael iddynt o dan y fframwaith.
- 3.6 Rydym yn parhau i weithio'n agos gyda'n cyd-reoleiddwyr yn y DU ar gymwysterau tair gwlad i sicrhau bod anghenion dysgwyr yng Nghymru yn cael eu hystyried a bod penderfyniadau a dulliau cyfathrebu'n cael eu halinio. Yn dilyn cyhoeddiad yr Adran Addysg yn Lloegr ar 3 Rhagfyr, mae cyrff dyfarnu yn ystyried pa addasiadau pellach a allai fod yn briodol ar gyfer eu cymwysterau a byddant yn rhoi rhagor o fanylion i ganolfannau ym mis Ionawr.
- 3.7 Ar gyfer cymwysterau galwedigaethol cymeradwy i Gymru yn unig, yn ogystal â'r addasiadau sy'n cael eu hystyried ar gyfer cymwysterau tair gwlad, rydym wedi gofyn i CBAC ystyried a allai unrhyw ran o'r dulliau a nodir mewn perthynas â'r trefniadau ar gyfer cymwysterau cyffredinol Cymeradwy yn haf 2021 fod yn briodol hefyd.
- 3.8 Bydd cyrff dyfarnu a rheoleiddwyr yn parhau i ymateb i'r adborth gan ganolfannau, y sefyllfa iechyd cyhoeddus sy'n datblygu, ac unrhyw benderfyniadau polisi gan y llywodraeth. Efallai y bydd addasiadau pellach yn bosibl mewn rhai cymwysterau, ond efallai na fydd hyn yn wir am lawer o gymwysterau sy'n cadarnhau cymhwysedd proffesiynol lle byddai unrhyw newidiadau pellach yn tanseilio dilysrwydd a phwrpas y cymwysterau.

4. Gwelliant parhaus yn ein dulliau cyfathrebu

- 4.1 Rydym yn cynnal adolygiadau rheolaidd o'n gwaith i asesu'r costau, y manteision a'r risgiau sy'n gysylltiedig â'n gweithgarwch cyfathrebu ac ymgysylltu.

- 4.2 Mae ein harchwilwyr mewnol wedi dilyn hynt y gyfarwyddiaeth Cyfathrebu ac Ymgysylltu yr wythnos hon ac rydym yn falch o adrodd y bu cynnydd yn y meysydd a amlinellwyd ar gyfer gwella. Roedd y meysydd hyn yn cynnwys diweddarau'r Strategaeth Gyfathrebu a gweithredu cynllun cyfathrebu mewnol a phroses olrhain o fewn y tîm cyfathrebu.
- 4.3 Byddwn yn parhau i fonitro a gwella ein gweithgarwch cyfathrebu ac ymgysylltu fel blaenoriaeth. Bydd yr archwilwyr yn dychwelyd ym mis Mawrth 2021 i werthuso effaith a chynnydd gweithrediadau ymhellach, a byddwn yn adrodd ar y cynnydd yn ein hadroddiad blynyddol nesaf.

5. Adfer safonau

- 5.1 Rydym nawr yn canolbwyntio ar y trefniadau ar gyfer 2021. Ochr yn ochr â hyn byddwn yn gweithio gyda CBAC, cyrff dyfarnu eraill a'n cyd-reoleiddwyr i sefydlu llwybr sy'n adfer safonau ar ôl COVID. Ar wahân i'r gwaith technegol y bydd angen ei gwblhau, deallwn y bydd angen i ni hefyd gynnwys gwaith i sicrhau dealltwriaeth y cyhoedd o unrhyw ddulliau gweithredu, yn ogystal â derbynoldeb cyhoeddus yr egwyddorion. Ni fydd y rhain yn bethau syml i'w cyflawni a bydd angen i ni barhau i ystyried barn rhanddeiliaid fel rhan bwysig o'r broses hon. Byddwn yn adrodd ar gynnydd yn ein Hadroddiad Blynyddol nesaf.
- 5.2 Bydd ein penderfyniadau yn parhau i ystyried cymwysterau tebyg, gan gynnal llwybr cyffredin gydag awdurdodaethau eraill y DU (neu a ddyfarnwyd yn Ewrop neu rywle arall) fel ein bod yn parhau yn unol â disgwyliadau dysgwyr, cyflogwyr, sefydliadau addysg uwch a'r proffesiynau o ran addysg a hyfforddiant.

Diolch am eich cefnogaeth barhaus, a dymunwn Nadolig Llawen a Blwyddyn Newydd Dda i chi, ac edrychwn ymlaen at weithio gyda chi yn 2021.

Yn gywir,



David B Jones OBE DL
Cadeirydd



Philip Blaker
Prif Weithredwr